

禮

書

十六

左宣義郎太常博士陳 祥道進

士昏贊鴈 士筵 膳 庶人鷩 工商鷄

童子贊 野外軍中贊 婦人贊

士昏 用鴈



帛有衣被之仁皮有炳蔚之文故孤執之羔有跪乳之禮有羣而不黨之義故鄉執之進必以時行必以序鴈也故大夫執之交有時別有倫被文以相質死分而不變者雉也故士執之可畜而不散遷者鷩也故庶人執之可畜而不違時者鷄也故工商執之士相見禮於雉左頭奉之於鴈飾之以布維之以索如執雉於羔飾之以布四維之結于面左頭如麇執之蓋執禽者必左首雉必左首而無飾維鴈有飾維而亦左首鴈之飾與羔同而維與羔異羔四維而結于面鄭氏謂繫聯四足交出背于於脊前結之是也士執雉而昏禮用鴈以贊不用死且攝盛故也觀其所乘者墨車所冠者爵弁女衣必纁袖領必纁黼脂必用鮮魚必用鮒則其攝盛可知鄭氏謂鴈順陰陽往來故昏禮用焉誤也詩曰雝雝鳴鴈旭日始旦士如歸妻迨冰未泮亦謂用鴈士禮也賈公彥曰昏禮三問尊卑皆用鴈蓋附會鄭氏而為之說歟

雉

鷩



士相見之禮冬用羔夏用鴈不飾以布以士
不飾以素以用死也用死與士死制同意用羔與
行牯臚同意臣之於君莫贄而不授所以尊之也
敵以下授贄而不莫所以交之也壻之見舅用巨見
君之禮鄭氏謂壻有子道不敢授也贄雉也蓋壻之
親迎稱賓則贄以鴈三月然後稱壻故贄以雉

鷩

鷩



周禮庶人執鷩工商執鷩禮記言庶人匹鄭氏曰匹
當為鷩然鷩之為物有馴擾而無散遷其謂之匹可
也內則曰舒鳧翠爾雅曰舒鳧鷩李巡曰鷩鴨也野
曰鳧家曰鷩然則庶人執鷩非鳧也士相見禮庶人
覲君不為容進退走孟子曰庶人不傳質為臣則庶
人見君無贄矣鷩之為贄特施於下其君者也工商
亦然昔闕黨童子將命孔子譏之以欲速成范匄謀
晉軍文子責之以何知蓋童子之禮衣不裳履不紉
服不總聽事不麻立則在北坐則在隅見先生則從
之而不竝有事走而不趨及冠然後莫贄于君遂以
贄見於鄉大夫鄉先生是未冠不預乎禮也然或賢與
多聞不可不進以成人之事故又有童子之贄焉其
制與成人同所以優其德其委與成人異所以卑其年
野外軍中贄

纓



拾

矢



周官掌客在野在外殺禮曲禮曰野外軍中無執以
纓拾矢可也蓋君子之為禮不以在野在軍而或廢
亦不以物不足而求備故以纓拾矢各適其宜而已
然不若備物之為善故曰以纓拾矢可也

笄



昏禮婦見舅姑執笄棗栗自門入升自西階進拜奠
于席舅坐撫之婦降階受笄服脩升拜奠于席姑坐
舉以授人蓋棗取其赤心榛栗堅實脯脩取其正治
士昏禮不言根榛特牲少牢大夫士之祭亦棗栗而
已特籩人有棗栗又有榛實蓋具根榛棗栗者盛禮
也魯莊公使宗婦覲用幣左氏曰男贄大者玉帛小
者禽鳥以章物也女贄不過根榛棗栗以告虔也公
羊曰宗婦曷用棗栗去乎服脩去乎蓋棗栗陽也故
贄於舅脯脩陰也故贄於姑聘禮夫人使下大夫勞以二
行籩方其實棗蒸栗擇蕪執之以進賓受棗大夫二
手授栗王人案十有二寸棗栗十有二列諸侯純九
大夫純五夫人以勞諸侯然則婦人之用棗栗豈特
為贄而已哉

禮書卷第六十二

大宗 小宗

有小宗無大宗

有大宗無小宗

有無宗亦莫之宗


辨嫡上

辨嫡下

姓族氏

大宗

小宗



喪服小記別子為祖繼別為宗繼禰者為小宗有五世而遷之宗宗其繼高祖者是故祖遷於上宗易於下尊祖故敬宗敬宗所以尊祖禰也大傳曰別子為祖繼別為宗繼禰者為小宗有百世不遷之完有五世則遷之宗百世不遷者別子之後也宗其繼別子之所自出者百世不遷者也宗其繼高祖者五世則遷者也有小宗而無大宗者有大宗而無小宗者有無宗亦莫之宗者公子是也公子有宗道公子之公為其士大夫之庶者宗其士大夫之適者公子之宗道也曲禮曰支子不祭祭必告于宗子文王世子曰五廟之孫祖廟未毀雖為庶人冠取妻必告死必赴練祥則告宜弔不弔宜免不免有司罰之至于賵賻承含皆有正焉小記曰支子不祭明其宗也內則曰適子庶子祗事宗子宗婦雖

貴富不敢以貴富入宗子之家雖衆車徒舍於外以寡約入子弟猶歸器衣服衾車馬則必獻其上而后敢服用其次也若非所獻則不敢以入宗子之門不敢以貴富加於父兄宗族若富則具二牲獻其賢者於宗子夫婦皆齊而宗敬焉終事而后敢私祭曾子問孔子曰宗子雖七十無主婦非宗子雖無主婦可也曾子問曰宗子爲士庶子爲大夫其祭也如之何孔子曰以上牲祭於宗子之家祝曰孝子某爲介子某薦其常事若宗子有罪居于他國庶子爲大夫其祭也祝曰孝子某使介子某執其常事其辭于賓曰宗兄宗弟宗子在它國使其辭曾子問曰宗子去任他國庶子無爵而居者可以祭乎孔子曰祭哉請問其祭如之何孔子曰望墓而爲壇以時祭若宗子告死於墓而后祭於家宗子死稱名一

不言孝身没而已子游之徒有庶子祭者以此若義也今之祭者不首其義故誣於祭也孔子曰宗子爲殤而死庶子弗爲後也其吉祭特牲祭殤不舉無所俎無立酒不告利成是謂陰厭凡殤與無後者祭於宗子之家當室之白尊于東房是謂陽厭皆禮記曰女子許嫁稱字祖廟未毀教于公宮三月若祖廟已毀則于宗室周禮太宰宗以族得民大宗伯以飲食之禮親宗族兄弟小宗伯掌三族之別以辨親疏其正室皆謂之門子瞽矇掌諷誦詩世奠繫謂帝繫諸侯卿大夫也本之屬小史掌邦國之志奠繫世辨昭穆諸子掌國子之倅公卿大夫之副貳儀禮喪服爲人後者爲其父母報傳曰何以期也不貳斬也持重於大宗者降其小宗也爲人後者孰後大宗後示也曷爲後大宗尊之統也禽獸知母 不知父野人曰父母何算焉都邑之士

則知尊禰矣夫及學士則知尊祖矣諸侯及其大祖天子及其始祖之所自出尊者尊統上卑者尊統下大宗尊之統也大宗者牧族者也不可以絕故族人以支子後大宗也適子不得後大宗女子子為昆弟之為父後者何以亦期也婦人雖在外必有歸宗曰小宗故服期也丈夫婦人為宗子宗好母妻傳曰何以服齊衰三月也尊祖也尊祖故敬宗敬宗者尊祖之義也宗子之母在則不為宗子之妻服也大夫為宗子何以服齊衰三月也大夫不敢降其宗也諸侯之子稱公子公子不得禰先君公子之子稱公孫公孫不得祖諸侯此自卑別於尊者也若天子孫有封為國君者則世世祖是人也不祖公子此自尊別於卑者也是故始封之君不臣諸父昆弟封君之子不臣諸父而臣昆弟封君之孫盡

臣諸父昆弟詩曰宗子維城又曰大宗維翰

五曰下九小三十五

禮記卷六十二

四

月

百夫無長不散則亂一族無宗不離則踈先王因族以立宗敬宗以尊祖故吉凶有以相及有無得以相

通尊卑有分而不亂親疎有別而不貳儀禮所謂不貳賤有繫而不間文王世子曰雖為庶人冠取妻必告然後一宗如出乎一族一族

如出乎一家一家如出乎一人此禮俗所以刑而人

倫所以厚也蓋公子不得禰先君故為別子而繼別者族人宗之為大宗遠雖至於絕屬猶為之服齊衰

三月母妻亦然庶子不得祭祖故諸兄弟宗之為小宗以其服服之大宗遠祖之正躰則一而已小宗高

祖之正體其別有四則繼禰者兄弟宗之繼祖者從兄弟宗之繼曾祖者從祖兄弟宗之繼高祖者族兄弟宗之四世則親盡屬絕而不為宗矣然言繼別為宗

又言繼別子之所自出者言繼禰為小宗又言宗其
繼高祖者則繼別者別子之子也繼別子之所自出
者即別子也繼禰者庶子之子也繼高祖者五世之
孫也繼禰言其始繼高祖言其終繼別言其宗繼別
子之所自出言其祖經言繼別子之所自出而孔穎
達言別子之所由出然則別子所由出即國君也其
可宗乎穀梁曰燕周之分子也分子即別子也然別
子不特公子而已有來自他邦而為卿大夫者亦謂
之別子有起於民庶而為卿大夫者亦謂之別子
有小宗而無大宗
有大宗而無小宗
有無宗亦莫之宗

諸侯之公子上不得宗君下未為後世之宗必有以
統之故有三者之宗道也君無適昆弟使庶昆弟一
人為宗統公子禮如小宗故曰有小宗而無大宗君
有適昆弟使之為宗以統公子不復立庶昆弟為宗
故曰有大宗而無小宗公子一而已無公子可宗亦
無公子宗之故曰有無宗亦莫之宗儀禮曰都邑之
士則知尊禰學士大夫則知尊祖記曰公子之公為
其士大夫之庶者宗其大夫之嫡者荀卿曰大夫士
有常宗左傳曰大天有貳宗蓋由士以上莫不知尊
祖禰知尊祖禰則尊者常宗當其為宗則宗子統族
人於外主婦統族婦於內死雖殤也必喪以成人禮
雖七十也主婦不可闕居雖異邦也正祭不可舉事
死雖母在也禫不可屈尊與出嫁者不敢降其服賢
者不敢干其任貴者不敢擅其祭衆車徒不敢以入

其門凡以尊正統而一人之情也惟其疾與
後易之故史朝言孟絜非人也將不列於宗廟
姦回淫亂則告廟而立其次凡此特義之權耳非其
所得已者也方周之盛時宗族之法行故常棣行葦
之美作於上角弓頰弁之刺不問於下以此治國而
國有倫以此繫民而民不散則宗子之於天下豈小補
哉及秦用商君之法富民有子則分居貧民有子則
出贅由是其流及上雖王公大人亦莫知有敬宗之
道浸淫後世襲以為俗而時君所以統馭之者特服
紀之律而已間有糾合宗族一再傳而不散者則人
異之以為義門此名生於不足歟

辨嫡上

子服父三年父以尊降服子朞而長子三年以其傳

重也孫服祖朞在禮記卷六十一以尊降服孫大功而服適孫朞亦

以其傳重也若適子在而適孫死則祖亦服大功以

其有適子者無適孫也適子不在而祖死則適孫亦

服三年以其無適子者適孫承其服也然則古者父

死立適子適子死立適孫上以後先祖下以收族人

謂之大宗大宗不可以絕故無子則族人以支子後

之凡以尊正統而重適嗣也春秋左氏傳曰太子有

母弟則立之無則立長年鈞擇賢義鈞則卜又曰王

后無嫡則擇立長年鈞以德德鈞以上以謂太子死

而無後則立嫡子之母弟以其猶出於嫡室也無母

弟則立庶長以其不得已而立妾子之長也立妾子

之長則無間於貴賤公羊曰立適以長不以賢立子

以貴不以長柙何以貴母貴也何休曰禮禮記卷六十一人無子

立右媵子右媵無子立左媵子左媵無子立嫡姪
子嫡姪無子立右媵姪子右媵姪無子立左
媵姪子不識何據云然耶夫嫡室所以配君子奉
祭祀者也媵與姪弟所以從嫡室廣繼嗣者也故內
則以冢子母弟爲嫡子書以母弟與王父同其重則
太子死而無後立太子之母弟可也均妾庶也而立
其母之貴者可乎左氏曰非嫡嗣何必弟之子又曰
王不立愛公卿無私蓋言此也禮言爲後者四有正
體而不傳重嫡子有罪疾是也有傳重而非正體庶
孫爲後是也有躰而不正庶子爲後是也有正而不
躰嫡孫爲後是也然傳至嫡孫嫡孫無後則必立嫡
孫之弟猶太子之母弟也禮謂族人以支子後之蓋
自其無弟者言之也今令文諸王公侯伯子男皆子
孫承嫡者傳襲若無嫡子及有罪疾立嫡孫無嫡孫
以次立嫡子同母弟無母弟立庶子無庶子立嫡孫
同母弟無母弟立庶孫曾孫以下准此若然是無嫡
孫則舍嫡孫母弟而上取嫡子之兄弟無嫡曾孫則
舍嫡曾孫母弟而上取嫡孫之兄弟嫡子之子宜立
而不立嫡子之兄弟不宜立而立之是絕正統而厚
旁支矣與禮大宗不可絕去不亦異乎

辨嫡下

木之正出爲本旁出爲枝子之正出爲嫡旁出爲庶
故伐枝不足以傷木伐其本則木斃矣廢庶不足以
傷宗廢其嫡則宗絕矣本固而枝必茂嫡立而庶必
寧此天地自然之理也先王知其然於是貴嫡而賤
庶使名分正而不亂爭奪息而不作故子生則冢子

接以太牢庶子少三食子亦食而見庶子已食而見
 冠則嫡子於阼階庶子於房外死則嫡子斬庶子斯
 其禮之重輕隆殺如此豈有他哉以其傳重與不傳
 重故也禮曰庶子不祭祖明其宗也又曰庶子不祭
 禘明其宗也史曰父不祭於支庶之宅君不祭於臣
 妾之家此嫡庶之分不可不辨也昔公儀仲子舍孫
 而禮弓弔以免司寇惠子舍嫡立庶而子游弔
 公儀襄皆重其服以譏之歆其辨嫡庶之分而已春
 秋之時宋宣公舍子與夷立弟穆公穆公又舍子馮
 立與夷而與夷卒於見殺莒紀公黜太子僕愛孟佗
 而卒於召禍晉獻公殺世子申生立奚齊而卒以亂
 晉齊靈公廢太子光立公子牙而卒以亂齊蓋嫡一
 而已立之足以尊正統而一人之情庶則衆矣立之
 則亂正統而啓覬覦之心宋莒齊晉之君不察乎此
 每每趨禍良可悼也或曰易言大君有命開國承家
 禮言予以馭其幸則人君之於臣其所以立者無嫡
 庶之間耳然考之於古魯武公以括與戲見宣王宣
 王立戲仲山甫曰天子立諸侯而建其少是教逆也
 王卒立之其後魯人殺懿公而立括則魯之禍宣王
 爲之也古之所謂開國承家者猶之別子爲祖也爲
 祖而不爲宗則其所立者非爲傳襲其先也果使之
 傳襲其先而不以嫡長則宣王已事之驗可不鑒哉


姓族氏



詩曰振振公姓振振公族書曰錫土姓國語曰司商
協民姓左氏稱衆仲曰天子建德因生以賜姓昨之
土而命之氏諸侯以字爲謚因以爲族官有世功則
有官族邑亦如之周語曰伯禹疏川導滯鍾水豐物
皇天嘉之祚以天下賜姓曰姒氏曰有夏夏則禹姓曰謂
其能以嘉祉富生物也祚四岳國命爲侯伯賜姓曰
姜氏曰有呂謂其能爲禹股肱心膂以養物豐民人
也姓非天子不可以賜而氏非諸侯不可以命姓所
以繫百世之正統氏所以別子孫之旁出族則氏之
所聚而已然氏亦可以謂之姓故大傳言繫之以姓
又言庶姓別於上則氏庶姓一也氏又可以謂之族
故羽父爲無駭請族隱公命以爲展氏則氏族一也
蓋別姓則爲氏即氏則有族族無不同氏氏有不同
族故八九八凱出於高陽氏高辛氏而謂之十六族
是氏有不同族也商氏條氏徐氏之類謂之六族陶
氏施氏之類謂之七族宋之華氏謂之戴族向氏謂
之桓族是族無不同氏也古者或氏於國則齊魯秦
吳氏於謚則文武成宣氏於官則司馬司徒氏於爵
則王孫公孫氏於字則孟孫叔孫氏於居則東門北
郭氏於志則三烏五鹿氏於事則平之五隄而受姓
命氏之類矣秦興滅學而周官小史之職於是繫
土與穆夫其本宗及漢司馬遷約世本修史記因周
禮而正家不之姓氏之所由出至晉賈弼有世本
卷五言晉書有世本氏要狀唐李素素肉譜如中有世本
世本之類可謂述之徒傳述不一惟叙以傳世不祖述
而考之而有別號疎得之而有屬則姓氏之學具可

忽哉國語曰教之世爲之昭明德而廢幽昏以休懼
其動則姓氏又可以示天下後世之勸戒也

禮書卷第六十二終



卷第六十三

九族

三族

宗族

族燕之禮

族飫之禮

九族

書堯典曰克明俊德以親九族九族既睦平章百姓以睦高祖

之親皐陶謨曰惇叙九族庶明勵翼仲虺之誥曰志自滿

九族乃離詩葛藟刺平王也周室道衰棄其九族焉九族

者據已上至高祖下及玄孫之親其詩曰終遠兄弟謂他人父終遠兄弟謂他

人母終遠兄弟謂他人昆類并諸公刺幽王也不能燕

樂同姓親睦九族其詩曰豈伊異人兄弟匪他豈伊異

人兄弟甥舅角弓父兄刺幽王也不親九族而好讒使其

詩曰兄弟昏姻無胥遠矣行葦忠厚也能內睦九族外尊

事黃耆其詩曰戚戚兄弟莫遠具爾喪服小記曰親親

以三為五以五為九上殺下殺旁殺而親畢矣已上親父下親子三也以八親

祖以子親孫五也以祖親

三族

周禮小宗伯掌三族之別以辨親疎其正室皆謂之明

子掌其禁令三族父子孫人屬之正名小記禮記仲尼燕居曰閨門

之內有禮故三族和三族父子孫也士昏禮請期曰惟是三族之不

虞使其也請吉日三族謂父昆弟已昆弟子昆弟度也不億度謂卒有

之吉也雜記曰大功史記秦紀襄公二十年法初有三族之誅張曼安曰

子也如淳曰父前漢張耳傳趙相貫高曰人情豈不各愛其

父母妻子哉今吾三族皆以論死豈以王易吾親哉

宗族

周禮大宰宗以族得民宗大宗伯以飲食之禮

親宗族兄弟服膳以親兄宗甸師王之同姓有臯則

死刑焉文王世子曰公族有死罪則磬於甸人司土正祭儀之位王族故士虎士在

門之右王族以故為士晚退者未嘗與同族不得在王官大僕王視燕朝則正位燕朝於路寢

之庭王圖宗人之嘉事則燕朝巾車金路封同姓文王世子庶子之正於公族者教

之以孝悌睦友子愛明父子之義長幼之序其朝于公內

朝則東面北上臣有貴者以齒其登餼獻受爵則以

上嗣庶子治之雖有三命不踰父兄其公大事則以其

喪服之精麤為序雖於公族之喪亦如之以次主人若公

與族燕則異姓為賓膳宰為主人公與父兄齒族食世

降一等其在軍則守於公禰公若有出疆之政庶子以

公族之無事者守於公宮五廟之孫祖廟未毀雖為庶

人冠取妻必告死必赴練祥則告族之相為也宜弔不

弔宜免不免有司罰之至于賙賻承舍皆有正焉公族

其有死罪則磬于甸人其刑罪則織剝亦告于甸人公

族無官刑公與族燕則以齒而孝弟之道達矣其族食

世降一等親親之殺而君臣之道著矣公族之罪雖親

不以犯有司正術也所以體百姓也刑于隱者不與國

人慮兄弟也弗弔弗為服也子異姓之廟為太祖遠之

也素服居外不聽樂祕喪之也官因之親無絕也公族

無官刑不翦其類也大傳上也在禰尊尊也下治子孫

親親也旁治昆弟合族以食也以昭也別之以禮義又

道竭矣同姓從宗合族屬異姓也名治際會繫之以姓

而弗別綴之以食而弗殊雖百世而婚姻不通者周道


見宗祖也且故宗敬宗故收族收也

廟嚴坊記君子因睦以合族杜詩曰晉人刺其君不親九族左傳曰庶人工商各有分親皆有等衰各本昭公欲去羣公子樂豫曰公族公室之枝葉也不可縱尋斧焉叔向曰公族將卑其宗族枝葉先落根本從而云也華亥欲代其兄合比為右師譖之於平公而逐之左師曰汝夫也必云汝喪而宗室於人何有人亦於汝何有既而華亥果亡

書與詩序皆言九族特周禮小宗伯儀禮士昏禮記仲尼燕居特言三族者三族父子孫也九族高祖至玄孫也三族舉其本九族極其末舉三族則九族見矣白虎通夏侯歐陽何琦如淳之徒以父族四母族三妻族二為九族其說蓋以詩之葛藟刺平王不親九族而言謂他人父謂他人母頌弁刺幽王不親九族而言豈伊異人兄弟甥舅角弓亦刺不親九族而言兄弟婚姻無胥遠矣則所謂九族者非特內宗而已是惡知詩人之所主者因內宗而發哉彼謂父族四者父之姓為一族父女昆弟適人者子為二族已女昆弟適人者子為三族已女適人者子為四族母族三者母之父母為一族母之昆弟為二族母之女昆弟為三族妻族二者妻之父為一族妻之母為二族然於母之戰則合而為一族妻之父母則離而為二可乎爾雅於內宗皆曰族於母妻曰黨而已又禮小功之未可以嫁娶妻之黨固無妨於嫁娶昏禮不容慮其不虞也然則九族之說當從孔安國鄭康成為正何則小記曰親親以三為五以五為九上殺下殺旁殺而親畢矣此九族隆殺之差也蓋已上親父下

親子三也以父親祖以子親孫五也以祖親曾高以
孫親曾玄九也然已之所親以一為三祖孫所親以
五為七記不言者以父子一體而高玄與曾齊服故
不辨異之也服父三年服祖朞則曾祖宜六月高祖
宜小功而皆齊衰三月者不敢以大小功齊之服
加乎至尊故重其衰麻尊尊也減其三月恩殺也此
所謂上殺服適子三年庶子朞適孫朞庶孫大功適孫
傳重
者也有適子者無庶孫
則長子皆為庶孫也月者曾孫服曾祖三月曾祖報之亦三月曾祖尊也
故加齊衰曾孫卑也故服總麻此所謂下殺服祖朞
則世叔宜大功以其與父一體故加以朞從世叔則
疏矣加所不及故服小功族世叔又疏矣故服總麻
此發父而旁殺者也祖之兄弟小功曾祖兄弟總麻
高祖兄弟無服此發祖而旁殺者也同父三親一
祖為從大功同曾祖為再從小功同高祖為三總麻
麻此發兄弟而旁殺者也父為二朞兄弟宜九
月不九月而朞者以其猶子而進之也從兄弟之子
小功再從兄弟之子總麻此發子而旁殺者也祖為
孫大功兄弟之孫小功從兄弟之孫總麻此發孫而
旁殺者也蓋服有加也有報也有降也祖之齊衰世
叔從子之朞皆加也曾孫之三月與兄弟之孫五月
皆報也若夫降有四品則非五服之正禮耳

族燕之禮



周禮大宗伯以飲食之禮親宗族兄弟禮記曾若公與族燕則異姓為賓膳宰為主人公與父兄齒族食世降一等又曰公族無宮刑公與族燕則以齒而孝弟之道達矣其族食世降一等親親之殺而君臣之道著矣大傳曰旁治昆弟合族以食序以昭穆別之以禮義人道竭矣常棣燕兄弟也詩曰儋爾邊豆飲酒之既儋陳既私也不

合如鼓瑟琴

王與族人燕則宗婦內宗之屬亦從后於房中

兄弟既具和樂且湛

正義曰既私釋

言文孫炎曰既非公朝私飲酒也周語有王公立既又曰立成禮燕而已既既為私不在公朝在路門內也酒肉所陳不宜在庭則在堂矣燕禮云皆脫履乃升堂少儀云堂上無跣燕則有之是燕由坐而脫履明飲立則不脫矣故云不脫履升堂謂之既知飲禮為圖非常議大疑者以周語云王公之有飲禮將以講事成禮建大德昭大物講事昭物是有所謀矣明圖非常議大疑而為飲禮也周語曰王公立既則有房丞親戚燕饗則有殺烝又曰既以顯物燕以合好則既燕禮異序曰燕兄弟此陳飲者圖非常議大疑乃有飲禮則既大於燕天子燕宗族之禮士所以知王與族人燕則宗婦內宗從后者湛露曰厭厭夜飲不醉無歸傳曰夜飲私燕也宗子將有事族人皆侍不醉而出是不親也醉而不出是燕宗也箋云天子燕諸侯之禮云此假宗子之族人燕為說耳然則天子燕同姓諸侯之禮猶宗子燕族人則天子燕宗族兄弟為朝廷臣者如宗子於族人可知案特牲饋食禮祭末乃曰徹庶羞設於西序下注云為將餼去之庶羞主為尸非神饌也尚書傳曰宗室有事族人皆侍終日大宗已侍於賓奠然後燕燕者何也已而為族人飲也此徹庶羞置西序下者為將以燕飲為然則自尸祝至於兄弟之庶羞宗子為族人燕飲於堂內賓宗婦之庶羞主婦以燕飲於房也知以彼特牲是宗子之祭禮族人及族婦皆助故經云宗婦執兩邊宗婦贊且是宗婦及族人俱助宗子之祭及祭末族人既為宗子所燕明宗婦亦主宗婦之燕可知也

諸侯也詩曰湛湛露斯在彼豐草厭厭夜飲在宗載考

夜飲之禮在宗室同姓諸侯則成之於庶姓其讓則止正義七傳曰既侍其宗然後得燕燕私者何而為族人飲飲而不醉是不親醉而不出是不敬与此傳同毛伏俱大儒當各有所據而言也燕禮曰宵則庶子執燭於階上旬八執大燭於庭閭人為燭於門外是兩階門庭皆有燭也

婦廢徹不遲諸父兄弟備言燕私

箋云祭祀畢歸賓客之祖同姓則留與之燕所以尊賓客親骨肉也

樂具入奏以綏後祿爾殺既將莫怨具慶既醉既飽小

大稽首神嗜飲食使君壽考

同姓之臣燕也神嘗拜稽首曰神不飲嗜君之飲食使君壽且考此其慶辭

先王之於同姓有時燕焉有因祭而燕焉國語曰時

燕不淫此時燕也詩曰諸宰君婦廢徹不遲諸父兄

弟備言燕私坊記曰因其酒肉聚其宗族以教民睦此

因祭而燕也其禮之詳雖不可考要之服皮弁服即

於路寢

王皮弁以口視朝詩刺不能宴同姓而曰有頌者弁則皮弁也

宰夫為主異姓為賓王

與族人燕於堂后帥內宗之屬燕於房其物饋烝所

以合好也其食世降一等所以辨親疏也昭穆以序

之所以明世次也夜飲以成之所以別異姓也若夫

几席之位升降之儀脫屣而坐立監相禮羞庶羞以

盡愛爵樂無筭以盡驩其大率蓋與諸侯燕禮不異

諸侯燕族人與父兄齒雖王之尊蓋亦不以至尊廢

至親也特牲饋食禮祝告利成徹庶羞設于西序下

鄭氏引書傳曰宗室有事族人皆侍終日大宗已侍

於賓奠然後燕私燕私者何也已與族人飲也此徹

庶羞置西序下者為將以燕飲與然則自尸祝至於

兄弟之庶羞宗子以與族人燕飲於堂內賓宗婦之

庶羞主婦以燕飲于房由是觀之燕族之禮不特天

子諸侯而已

族飲之禮

周語定王謂晉隨會曰郊禘之事則有全烝王公立飫

則有房烝

禮之立成者為烝

親戚燕饗則有饋烝

饋烝升解折之祖也謂之折俎今

女非他也而叔父使士季實來唯是先王之宴禮欲以

貽女余一人敢設飫禘焉夫王公諸侯之有飫也將以

講事成章

章章程也

建大德昭大物也

大德大功也大物大器也

故立成禮烝

而已

立成不心也烝升也升其器物而已

飫以顯物宴以合好

顯物示物備也

故歲飫不倦

時宴不淫敬王十年萇弘欲城周衛彪後見單穆公曰

萇弘其不沒乎周詩有之曰天之所支不可壞也

周詩飲時所歌也支

其所壞亦不可支也昔武王克殷而作詩

此作以為飫歌

名之曰文以遺

反之人使永監焉夫禮之立成者為飫

明大

其詩

其詩

其詩

其詩

其詩

其詩

其詩

其詩

其詩

其欲教民戒也然則夫支之所道者必盡知天地之為
也不然不足以遺後之人今甚劉欲支天之所壞不亦
難乎魯語公父文伯之母祭悼子康子與焉胙不受徹
迎不宴宗不具不繹繹不盡飲則退必謂立口飲生曰身言中長也
所以遠嫌也公父文伯之母欲室文伯饗其宗老請守龜卜
室之族師亥聞之曰善哉男女之饗不及宗臣宗室之
謀不過宗人

古者合族之禮方其平居無事則有燕以申好及其
有大疑謀則有飫以圖事燕則脫屣升堂坐而不立
其牲體折節而雜齊所以致愛飫不脫屣升堂立而
不坐其牲體半解而房齊所以致嚴周語曰王公之
有飫禮將以講事成章建大德昭大物故立成禮烝
而已又曰歲飫不倦然則飫以圖事非必歲為之也
國語言歲飫時燕蓋明其疏數之異而已衛彪後曰
武王克商作詩以為飫歌名之曰支以遺後之人使
永監焉以其戒慎尤在於厭飫之時也公父文伯之
母祭悼子康子與焉繹不盡飲而退則飫非若燕禮
之多儀也



冠

筮日筮賓之儀

陳服設筵及加冠之儀 孤子冠

庶子冠

醴醮冠儀

醴賓冠儀

冠

周禮大宗伯以冠昏之禮親成男女黨正凡其黨之昏冠教其禮事禮記曲禮曰男十冠而字女子許嫁笄而字曾子問曰將冠子冠者至揖讓而聞齊衰大功之喪如之何孔子曰內喪則廢外喪則冠而不醴徹饌而歸即位而哭如冠者未至則廢如將冠子而未及期日而有齊衰大功小功之喪則因喪服而冠除喪不改冠乎孔子曰天子賜諸侯大夫冕弁服於大廟歸設奠服賜服於斯乎有冠醮無冠醴父没而冠則已冠掃地而祭

禮書卷第六十四

於祔已祭而見伯父叔父而後饗冠者郊特牲曰冠義始冠之緇布之冠也大古冠布齊則緇之其緜也孔子曰吾未之聞也冠而敝之可也適子冠於阼以著代也醮於客位加有成也三加彌尊喻其志也冠而字之敬其名也委貌周道也音甫殷道也毋追夏后氏之道也周弁殷哱夏收三王共皮弁素積無大夫冠禮而有其昏禮古者五十而后爵何大夫冠禮之有諸侯之有冠禮夏之末造也天子之元子猶士也天下無生而貴者也內則男女未冠笄者雞初鳴咸盥漱擲不拂髦總用二十冠如學禮以衣裘帛舞大夏博行孝弟博學不教而下山玉藻始冠緇布冠自諸侯下達冠而敝之可也冠冠生組纓天子之冠也緇布冠績綏諸侯之冠也冠冠之冠小記曰丈夫冠而不為殤雜記大功之末可以冠子

可以嫁子父小功之才可以冠子可以嫁子河取婦已

雖小功既卒哭可以冠取妻下殯之小功則奔此皆謂用可禮之

可以冠子好子小功卒哭而可以取婦已大功卒哭而可以冠子小功卒哭而可以取妻必借

冠義曰冠者禮之始也是故古者聖王重冠筮日筮賓

所以敬冠事敬冠事所以重禮重禮所以為國本也故

冠於阼以著代也醮於客位三加弥尊加有成也已冠

而字之成人之道也古者重冠重冠故行之於廟詩甫

田曰婉兮孌兮總角未幾見兮突而弁兮加冠為成人也

儀禮上冠禮筮于廟門若不吉則筮遠日如初儀遠日旬之外也

前期三日筮賓如來日之儀厥明夕為期于廟門之外

擯者請期宰告曰質明行事夙興設洗陳服側尊一醴

醴在服北主人迎賓乃行三加之禮既冠乃醴賓以一

獻之禮酬賓束帛儷皮賓出主人送于外門外晉語六

趙文子冠禮謂以士禮也見欒武子武子曰美哉昔吾遠事莊

主華則榮矣實之不知請務實乎見中行宣子宣子曰

美哉惜也吾老矣見范文子文子曰而今可以戒矣夫

賢者寵至而益戒不足者為寵驕見卻駟伯駟伯曰美

或然而壯不若老者多矣見韓獻子獻子曰戒之此謂

成人成人在始與善始與善善進善不善善由至矣始

與不善不善進不善善亦善由至矣如草未之產也

各以其物人之有冠猶宮室之有牆屋也善與除而已又

何加焉見智武子武子曰成子之文宣子之忠其可忘

乎見溫季子季子曰誰之不如可以求之左氏襄九年

晉侯與諸侯伐鄭還公送晉侯晉侯以公宴于河上問

公年季武子對曰會于沙隨之歲寡君以生晉侯曰十

年矣謂一終一星終也國君十五而生子冠而生

子禮也君可以冠矣武子曰君冠必以裸享之禮行之
身齊先君以金石之樂節之以先君之祧處之請及兄弟之國
而假備焉晉侯曰諾公還及衛冠于成公之廟假鍾磬
焉禮也又曰豈如弁髦而因以敝之成二年楚救齊蔡景公
為左許靈公為右二君弱皆強冠之荀子曰天子諸侯
十九而冠冠而聽治其教至也賈公彥曰書金縢去王
與大夫盡弁是時成王年十五去與大夫盡弁則知天
子亦十二而冠矣又大戴禮去文王十三生伯邑考左
傳去冠而生子禮也是商之諸侯亦十二而冠若夏之
天子諸侯與商天子亦十二而冠可知若天子之子則
亦二十而冠故禮記祭法去王下祭殤五又禮記檀弓
去君之適尸死車二乘是年十九已下皆為殤故二十
乃冠矣士既三加為大夫早冠者亦依士禮三加若天
子諸侯禮則多矣故大戴禮公冠篇去公冠四加者緇
布皮弁爵弁後加玄冕天子亦四加後當加衮冕矣案
下文天子元子猶士天下無生而貴者則天子之子雖
早冠亦用士禮而冠案家語冠頌去王太子之冠則天子
元子亦擬諸侯四加若然諸侯之子不得四加與三加可
知孔穎達釋冠義云諸侯尚四加則天子亦當五加衮冕
也家語冠頌邾隱公既即位將冠使大夫因孟懿子問禮
於孔子子曰其禮如世子之冠冠於阼者以著代也醮於
客位加其有成三加弥尊導喻其志冠而字之敬其名也
雖天子之元子猶士也其禮無變天下無生而貴者故也
行冠事必於祖廟以裸享之禮以將之以金石之樂節之
所以自卑而尊先祖示不敢擅懿子曰天子未冠即位長
亦冠也孔子曰古者王世子雖幼其即位則尊為人君父

君治成人之事者何冠之有懿子曰然則諸侯之冠也
天子與孔子曰君薨而世子主喪是亦冠也巳人君無
所殊也懿子曰今邾君之冠非禮也孔子曰諸侯之冠
冠禮也夏之末造也有自來矣今無譏焉天子冠者三
王沒成王年十有三而嗣立周公居家宰攝政以治天
下明年夏六月既葬冠成王而朝于祖以見諸侯示有
君也周公命祝雍作頌曰祝王辭達而勿多祝雍辭曰
使王近於民遠於年土而於時惠於財親賢而任能其頌
曰令月吉日王始加元服去王幼志服衮職欽若昊天
六合是式率爾祖考永承無極此周公之制也懿子曰
諸侯之冠其所以爲主何也孔子曰公冠則以卿爲
賓無介公自爲主迎賓揖升自阼立于席北其醴也則
如士鄉食之以三獻之禮既醴降自阼諸侯非公而自爲
主者其所以異皆降自西階玄端與皮弁異朝服素韠
冠四加玄冕祭其酬幣下賓則束帛乘馬王太子庶
子之冠擬焉皆天子自爲主其禮與士無變鄉食賓也
皆同懿子曰始冠必加緇布之冠何也孔子曰示不忘古
太古冠布齊則緇之其緜也吾未之聞今則冠而弊之
可也漢孝惠即位四年而冠即十孝昭即位十年加元服
歲五行志曰上加元服後漢志曰正月甲子若丙子爲
吉日加元服冠禮曰成王冠周公使祝雍曰辭達而勿
多也祝雍曰近於民遠於年遠於佞近於義畱於時惠
於財任賢使能博物記曰孝昭帝冠辭曰陛下擣顯先
帝之光耀以承皇天之嘉祿欽奉仲春之吉辰普專大
道之郊域秉率百福之休靈始加昭明之元服推遠冲
孺之幼志蘊積文武之就德肅勤高祖之清廟六合之內


不蒙德亦與天無極獻帝傳曰興平元年正月甲子帝加元服司徒淳于嘉爲賓加賜玄纁駟馬貴人公主御司隸城門五校及侍中尚書給事黃門侍郎冬一人爲太子舍人也獻帝起居注曰建安十八年正月壬子濟北王加冠戶外以見父母給事黃門侍郎劉贍贍侍中假貂蟬如濟北王給之

冠者禮之始事之重也古者尊重事故筮日筮賓行之於廟冠之於阼黜於客位祝之以成德字之以伯仲見於母母拜之見於兄弟兄弟拜之所以責之爲人子爲人弟爲人臣爲人少之禮爲子而孝爲弟而悌爲臣而忠爲少而順然後可以爲人然後可以治人則冠禮其可不重歟二十而冠士禮也天子諸侯則十二而冠故春秋傳曰十二年謂一終一星

終也國君十五而生子冠而生子禮也考之經傳文王十三生伯邑考成王十五而弁則十二而冠可知荀卿曰天子諸侯十九而冠失之矣小記曰大夫冠而不爲殤則大夫不待五十而爵者亦不待二十而冠豈天子諸侯之冠特先士禮一歲哉士禮始加緇布不忘本也次加皮弁朝服也三加爵弁祭服也不忘本然後能事君能事君然後能事神所謂三加彌尊喻其志者如是而已若夫諸侯則始緇布冠績綏次加皮弁三加爵弁四加玄冕天子則始加玄冠朱組纓次加皮弁三加爵弁四加玄冕五加衮冕矣郊特牲言玄冠朱組纓天子之冠緇布冠績綏諸侯之冠鄭氏皆以爲始冠之冠家語稱成王冠祝雍辭曰去幼志心衮職而賈公彥孔穎達皆言天子當加

冕則始終之所加與士異也家語曰王太子之冠亦擬諸侯四加則天子五加可知矣諸侯四則其子三加可知矣王太子四加而禮記言天子之元子猶士者非謂加數也儀禮士冠無裸享之禮無金石之樂而季武子曰君冠必裸享之禮行之金石之樂節之而家語之說亦然此蓋國君之禮與國君自冠有享禮大夫士自冠亦然曾子問曰父沒而冠則已冠掃地而祭於禩


士冠筮之日儀




士冠禮筮于廟門主人玄冠朝服緇帶素鞶即位于門東西面有司如主人服即位于西方東面北上筮與席所卦者具饌于西塾布席于門中闌西闕外西面筮人執筮抽上韝兼執之進受命於主人宰自右少退贊命筮人許諾右還即席坐西面卦者在左卒筮書卦執以示主人主人受眡反之筮人還東面旅占卒進告吉若不吉則筮遠日如初儀徹筮席宗人告事畢然則筮必於廟尊其親也廟必於禩親其親也士筮於門而不於堂避其君也筮必面西求諸陰也卦者必居筮之左上其北也聘禮君受聘于先君之禩卿受問于祖廟士冠士昏皆止言廟則凡言廟者禩廟也記曰凡行事受於禩廟是也若諸侯則冠且廟左氏曰以先君之禩處之是也少牢筮旬有

一曰若不吉則及遠日又筮日如初特牲士冠不言
 旬有一日而特牲若不吉則筮近日者以士筮旬內
 大夫以上筮旬外也特牲筮祭同服玄端少牢筮與
 祭同朝服而士冠主人筮日服朝冠日服玄端者特
 牲少牢祭事也筮不可尊於先祖故同服士冠非祭
 事也筮可尊於子孫故異服也天子諸侯筮於廟堂
 大夫士筮於廟門此尊卑之辨耳鄭氏謂筮不於堂
 媿筮之靈由廟神其說誤也

陳服設筮




乃加冠之儀



服陳于房東領上北贊者立于房西面上南醴設于
 房尊籩籩豆上南冠弁執于西坳南上東主人立于
 東序面西賓立于西序面東冠者未冠既冠面南
 即席加冠面西醴之西南其降而見母面北其始也
 賓揖冠者即筵坐贊者坐擲設纚賓降與升正纚降
 受弁進容祝而冠之既冠揖之適房服其服又揖之
 即筵坐擲纚祝加如初蓋賓盥所以致齋降盥降受


冠弁所以致敬始加受冠降一等執者升一等再加降二等三加降三等以服彌尊故降弥下也始祝弁爾幼志順爾成德再祝敬爾威儀滋慎爾德三祝兄弟具在以成厥德以順成德然後慎德慎德然後能成德也禮記曰五十以伯仲周道然也冠禮既冠而字之曰伯某甫仲叔季者唯其所當賈公彥曰昝賈二十為字之時兼伯仲叔季呼之周文二十為字之時未呼伯仲至五十乃加而呼之其說是也

孤子冠



孤子則父兄戒宿冠之日主人紛而迎賓拜揖讓立于序端皆如冠主禮於阼凡拜北面于阼階上賓亦北面于西階上答拜若殺則舉鼎陳于門外直東塾北面然則孤子戒宿以父兄而迎拜揖讓不以父兄者以戒宿者非冠日之事冠日迎拜揖讓者冠日之事若殺則舉鼎陳于門外鄭氏曰孤子得申禮盛之父在有鼎不陳於門外賈公彥曰凡陳鼎在外者賓客之禮也在內者家私之禮也父在陳鼎不於門外是在外者為盛也

庶子冠



也。不於階非代也。不醮於客位成而不尊也。觀此則孤子之冠雖不言醮位其醮於客位可知。

醮儀

冠禮側尊一無醮在服北有篚實勺解角柶脯醢商上徹皮弁冠擲筵入于戶西南面贊者洗于房中側酌

醮加柶覆之面葉賓揖冠者就筵筵西面賓受醮于戶東加柶面枋筵前北面冠者筵西拜受解賓東面荅拜

薦脯醢冠者即筵坐左執解右祭酬醢以柶祭三與筵末坐啐醮建柶與降筵坐奠解拜執解與賓

者奠解于薦東降筵北面坐取脯降自西階適面見于母若不醮則醮用酒尊于房戶之間兩無禁

玄酒在西加勺南枋洗有篚在西南順始加醮用脯醢賓降取爵于篚辭降如初卒洗升酌冠者拜受賓荅拜

如初冠者升筵坐左執爵右祭脯醢祭酒與筵末坐啐酒降筵拜賓荅拜冠者奠爵于薦東立于筵西徹薦爵

筵尊不徹加皮弁如初儀再醮攝酒其他皆如初加爵弁如初儀三醮有乾肉折俎噲之其他皆如初

若醮謂國有舊俗可行聖人用焉不改者也。曲禮曰君子行禮不求變俗。祭禮之禮居喪之服與泣之生皆如其國之故。謹修其夫而審行之是酌而無酬酢曰醮。醮亦當為醴。正義曰自此已上說周禮冠子之法。自此已上至取邊脯以降如初說夏商冠子之法。云若不醮則醮用酒者案上文適于冠於階三加說一體於客位是周法。今云若醮用酒非周法。故知先王法鄭解無酬酢曰醮案曲禮云長者卒未嘗醮。鄭曰醮是醮不專於無酬酢者。若然醮亦無酬酢不為醮名者何。醮不醮故無酬酢得名也。記曰醮於客位加有成也。

醮婦舅姑六禮大司馬一獻之禮庶婦則醮

無禁無玄酒設于房中而醮冠之

如之况故醮辭祝辭其薦則脯醢

不初以醴三無初辭其薦則始醴

如初三醴有乾肉折俎齊之若殺牲形載合升始而
如初醴兩且葵苴羸醢兩邊栗脯三醴加俎齊之如初
醴而醴用解醴用爵醴尊之篚亦在房醴之篚則在
庭醴則替者酌授賓賓不親酌故無升降醴則賓親酌
三洗爵故有升降蓋冠必用醴若不用醴則醴焉以醴
者太古之物故其禮簡所以示質酒者後世之味故其
禮煩所以示文故適子用醴庶子用醴適婦有醴與饗
婦使人醴之不饗諸侯大夫受賜服於天子歸設奠
服賜服於斯乎有冠醴無冠醴是醴輕於醴也士冠若
不醴則醴者則冠適子或醴或醴惟其所用耳記曰醴於
客位此適子之醴也鄭氏遂以醴為周法醴為夏商法此
不可特性少牢牲皆用右胖鄉飲鄉射主人牲用右
体少儀大牢少牢則以左肩為歸胙右肩以祭特性士
虞喪祭反吉用左則周之吉禮皆用右也鄭氏釋特豚
合升之文謂凡牲皆用左胖不知何據云然

醴賓

既冠乃醴賓以一獻之禮酬賓束帛儷皮贊者比焉
贊冠者為介蓋君子之於人勞之必有以禮之故昏
禮饗送者鄉飲司正祭禮賓尸冠禮醴賓其義一
也士醴賓以一獻之禮公醴賓則三獻之禮故家語
曰以鄉為賓其禮則如士以三獻之禮也

